


14


Sengenbach

R55
904

Alter Zengenbrunn
LB XIII 221017.

400.-





Die. X. alter diser welt

Welche nach gemainem lauff der
welt mit vil schönen histori-
en gesetzt/die vast lieb-
lich zulesen vnnnd zu
hören seynd.

Zum ersten/Zehen Jar ain kind

Zwainzig Jar ain Jüngling

Dreyssig Jar ain Man

Vierzig Jar Scillstar

Fünffzig Jar Welgerhan

Sechzig Jar Abgan

Sibenzig Jar/Dein seel bewar

Achzig Jar Der welt narr

Neünzig Jar Der kinder spot

Hündert Jar Nun gnad dir got.



Welcher gern wist der welt lauff
Der lüg das er dis büchlein kauf.

Die fache an die vored in die zehñ alter

Der Ainsidel.

¶ Nun hören zñ mein lieben fründ
Was ich euch kurtzlich hie verkünd
Darzñ mich bewegt all mein gemüt
So ich betracht die grossen güt
Die vns got selber hat gethon
Als er beschüff himel/erd/Sun/Mon
Vnd köstlich zieret das Paradeys
Den menschen gmacht mit ganzem fleys
Das doch derselb wenig ansach
Durchs Teüfels rat er gar bald brach
Die gebot gots/nemendt eben war
Da vns kumpt dan die erbsünd har
Vns damit vnderwürfflich gemacht
Dem Teüfel vnd auch seiner macht
Das hat gewert vil tausent iar
Bis das ain iunckfraw rain vnd klar
Vns gebar Jesum das kindlein güt
Das vns erlöst mit seinem blüt
Das er vergoß vmb vnser sünd
Noch seind wir also taub vnd blind
Vnd wend von sünden noch nit lan
All üppigkait thüt yetz auff stan
Sicht man beim kind byß an den alten
Wie sich ain yeder yetz thüt halten
Paulus vns das gar klarlich schreibet
So sich nahen die letsten zeit
Werden gar vil vom glauben weichen
Den Teüfelischen leren sich vergleichen
Kain warhait wirt manden nit finden
Als Petrus vns auch thüt verkünden
Judas desgleich fürt auch ain klag
Wan sich nahen die letsten tag
Wirt vil genärlichayt auff stan

1. ad Timo
iiij. a.

ii. Pe. iij. a.
Jude. ij. f.

SS-16. Jh.

R 55/904

Hz



All Tiranney wirt fahen an
Vnd halten nichts auff gottes gebot
Allain so wirt das gelt sein got
Übermütig hoffertig vnd auch schweren
Vngehorsam vater müter nit eren
Vnd anckpar/vnkeüsch/kain friden haben
Nach frümckayt man wirt wenig fragen
Rauben/prennen ist den recht
Dann regt sich das Magogisch gschlecht
Dann böshafftigen man dan thut loben
Auch werden die bösen für her zogen
Gerechtigkeit wirt vndertrückt
All frümckayt muß dan sein geschmückt
Der gäustlich stand der wirt veracht
Hoffart wirt han allain den bracht
Vnkeüschayt vnd auch übermüt
Neid/haß/vnd vnfertig güc
Wirt ganz vnd gar dan sein gemain
Ain yeder dann betracht allain
In seinen sack das er vol werd
Dann ist kain trew auff diser erd
Des gmainen nutz man dan nichts acht
Darumb ain yeder selber betracht
Aygentlich in sein gewisne gang
Ob noch biß auff die zeit sey lang
Die vns sant Paulus hat erkleret
Welcher dasselb zu wissen begert
Der merck auff dise zehen person
Wie sy dann nach ainander ston
Seind yetz die alter diser welt
Merck eben wie sich yedes heile
Auch warauff es doch sey genaigt
Sehen wie sich das kind erzaigt
Wie üppiglichen es das stat
Layder es nyemand zu hertzen gat

X. Jar ain Kind



Das Kynd antwurt auff die Worred.

Wie solt ich mich anders erzai gen
Nach meiner art thün ich mich naygen
Vatter vnd mütter schlach ich nach
Zu aller boßheit ist mir gach

Der Ainsidel.

Tobie. j. b.	Das liebes kynd das solt nit thon
Gen. xxij. b.	Solt ee vatter vnd mütter lon
gen. xxxvij.	So wirstu dem Thobia glich
1. Regū. ij. d	Dem Isaac/ solt mercken mich
4. Kelz. a	Dem Joseph vnd auch Samuel
Daniel. j. b	Joas desselben gleich Daniel.

Das Kynd

Das mag warlichen nit gesein
Ich volg vatter vnd mitter mein
So bald als ich gieng auß der wiegen
Lernens mich schweren/schlecken/liegen
Darnach fieng ich all bosheit an
Hetten sy als für wolgethan
Hond mir darzu anzaygung geben
Vor mir gefürt ain üppigs leben
Mit füllen/prassen/tag vnd nacht
Des ich genomen hab güt acht
Vor mir trybens all üppigkeit
Mit worten/wercken/vnkeüschait
Thetten vor mir nit schämen sich
Das selb gelernet hab auch ich
Beeten man mich thet wenig leren
Got vnd sein hailigen auch mit eeren
Des ich hie also üppig stand
Vatter vnd mitter zu ainr schande

Der Ainsidel.

Da seind jr ölteren schuldig an
Die ire kind on straff land gan
Vnd weysens weder zucht noch eer
Wenn jr volgeten Thobias leer
Dörfft eüwere kindt söllichs nit klagen
Von got ain güte leer sond haben
Den kynden von Jrael er gebot
Das sy jr kinder frei vnd spot
Lerten die grossen ding gar schon
Die er in allzeit hat gerhon
Dardurch er allzeit würd geert
Vnd auch der glanb in in gemeert
Jacob sein sun strafft auch desgleich
Nathariam solt nemen für euch
Do dauid wolt sein gaist auffgeben

A iij

Die ver
merckennd
den stand d
jügen kind.

**Die vnder
weysüg des
Ainsidels.
Tobie. i. a.
Tho. iij. a.**

deutro .xc.

Gen. 37. c.
i. mach. ij. f.
ij. reg. vij. a

parau. 28. b Ein güte leer die thet er geben
 Seinem sun Salomon
 So land jr einwere kind yetz gon
 On alle vnderweysung vnd auch straff
 Recht wie für den hirtten gand di. schaff
 Das jr auff's leyst mit jamer klagen
 iij. Reg. ij. d. Adonias wer nit zütod erschlagen
 Wann Agich in gestrafft het
 Leui. 24. b Salumir het iren sun behebt
 Umb das sy in nit strafft nym war
 Versteiniget in der jnden schar
 Umb das er löstert got merck eben
 Nembt acht wie yetz die kind thünd leben
 Wann man sy alle yetz straffen sot
 Die tag vnd nacht löstereu got
 So behielt kain vatter mer sein kind
 O got wie seind wir also blind
 Vnd sehen doch wie grosse klag
 Von kinden kumpt yetz nacht vnd tag
 Das es warlich zerbarmen ist
 Ain gewonhayt ist yetzündt zu frist
 Das man die kinder zeucht auff kriegen
 So bald als sy gand auß der wiegen
 Wüssen sy degen an in han
 Vnd auff das bübisch einher gan
 Das vor zeyten was ain grosse schand
 Des laufft vol büben yetz das land
 Darumb eüch got wirt geben den lon
 i. Re. iij. c. Als er dem Hely hat gethon
 Der was gerecht vnd lebt on sünd
 Darumb das er nit strafft sein kind
 Des strafft in got das er mit klag
 Starb vnd sein sun auff ainen tag
 Diweyls das kind wigets als gering
 Was mag dann thun der jungling

Der Ainsidel.

Du bist ein schöner jüdling stolz
Auff geschossen wie ein feyges holz
Vnd bist in deiner besten jugende
Die da nichts lernen solt dann tugent

Der Ainsidel
fragete
den Jüng-
ling.

XX. Jar ein Jüdling



Der Jüdling .

Die tugent die ich lern vnd kan
Ich dir gar bald erzelt han
Spilen/prassen/frölich sein
Vnd sitzen tag vnd nacht beym wein
Vater vnd miter böflich das ir verzeren
Das seind die tugent die ich thil leren

Der Ainsidel.

Jüdling so soltu mercken eben
Damit so kürzest du dein leben

**Der Jüng-
ling** Ant-
wort

Exodi. xx. b

Joh. viij. f.

Luce. ij. g.

Wie ver
merck den
stand der
jüngling.

Wann wiltu lang auff erden gan
Solt vatter vnd mütter in eren han
Von christo solt nemen ein leer
So beist du vatter vnd mütter eer

Der Jüngling.

Wenn ich solt volgen deiner leer
So wär ich diser welt vnmer
Es ist yezundt warlich der sicc
Wenn ainer yezt gat zün gsellen nit
Vnd leit nit tag vnd nacht beim wein
So halt man in für ain begein
Wenn ainer dan nit dapffer schwert
Vnd auff der gassen gat zerzert
Vnd bochen kan nit yederman
Spricht man gar bald er sey kain man
Wann ich mich dann solt anderst ziehen
So müst ich von der welt yezt fliehen
Vnd sein von yederman veracht
Deiner leer ich warlich wenig acht
Ich will mich ziehen nach der welt
All iuppigkeit mir wol gefelt
Es sey mit spülen/zeren/prassen
Des nachts so lauff ich auff der gassen
Alle büberey die fah ich an
Wa ich junckfrawen bescheyssen kan
Gang ich in nach bayd tag vnd nacht
Vatter vnd mütter ich wenig acht
Was sy mit arbeit gewonnen hand
Verthün ich in mit grosser schand
Auff flüchen/schwoeren bin ich geschwindt
Täglich man mich beyn megen findt
Auff meinen got kain acht ich hab
In der kirchen gang ich auff vnd ab
Alle büberey richt ich da auß
Wa ich bin gelegen in der lauff

Auch wie ich die nacht hab vertriben
Wir spilen prassen vnd mit wiben
Vnd auch bey manchem gsellen güte
Der auch das sein mit mir verthüt
Vnd macht mir tag vnd nacht güte geschir
Das seind die tugent die ich leer
An dein straff ich mich wenig keer.

¶ Der Ainsidel.

¶ Jüngling solt warlich glauben mir
Hier grosser ding hör ich von dir
Vatter vnd mütter du nit eerst
Auch juncfrewlichen stand zerstörst
Dein got du nit vor augen hast
Dem Teüfel bist ain werder gast
Von füllerey wilt du nit lon
Werck auff mein allerliebster son
Got durch den Moysen gebot
Man yeden sun versteinigen sot
Welcher nit vatter vnd mütter art
Jonathas zum tod verurteilt ward
Das er übertrat seins vatters gebot
Darzu es klärlich geschriben sot
Wer vater vnd mütter widersait
Der wirt verflucht in ewigkait
Werck allerliebster Jüngling sein
Do Cham verspottet den vatter sein
Des ward im nit geben der seggen
Holefermus het behalten sein leben
Het in der wein nit übergangen
Sichem nach Dinam het verlangen
Dardurch er sy mit gewalt betort
Des volgt hernach ain grosser mozt
Vnd ward erschlagen mancher man
Darumb ich rat du lassest daruan
Was sagst du mir dreysßigjärig man.

deut. xxj. d.

i. Re. xiiij. a

Exo. xxj. b.

Gen. ix. d.

judich xiiij. b

ge. xxxiiij. a

XXX. Jar ain Man



Der. XXX. Jerig

Wie ver-
merckh den
stand der
dreyszigjari-
gen.

Dumachst vns warlich lange wil
Dein straff bekümmert mich nit vil
Was gat mich diser jâner an
Die ich dir yetz nit nennen kan
Als du hast gesait dem jüngling güte
Ich bin auch noch ain jünges blüt
Darzüerst kommen in die Le
Da empfind ich nichts dan ach vnd wee
Greinen grannen ist mir nit theür
Grossen hunger vnd nichts beym feür
Auch allstund schlahen rauffen
Das darff ich vmb kain kramer kauffen
Ich hab sein also gnüg im hauf
Das mir vor angst die har gand auß
Solt ich also füren ain leben

Wein gayst den müß ich bald auffgeben
Wenn ich also dahaym solt sitzen
Die finger saugen negel spitzen
Auch haben weder freud noch mit
Haußhalten mir warlich wee thüt

¶ Der Ainsidel.

¶ O güter freünd ich will dich leren
Mit deiner arbait solt dich neren
Wann got selber gesprochen hot
In deinem schwaiss so neuß dein brot
So wirt die hye vnd dort wol werden
Du wirst sunst zu ain betler werden

¶ Der xxx. järig.

¶ Oho des nem ich wenig acht
Wem mainst das spital sey gemachte
Den gensen die nit trincken wein
So magstu wol ain chor sein
Was darffst von arbeit sagen mir
Ain frischen trunck den bring ich dir
Den nym vnd laß dein grosses sorgen
Wan hab ich heüt / es kompt auch morgen
Darumb will ich dahaim nit bleyben
Wein jungen tag wil ich vertreyben
Mit güten gsellen vnd beym wein
Ain freyer prasser will ich sein
Wen ich das mein verzeret han
So wird ich erst zum kriegs man
Ain andern thün ich das sein auch nemen
Damit hab ich allzeit züschlemmen
Wein fraw laß ich an künckel schmecken
Die fuß auch nach der deckin strecken
Semlichs mich warlich wenig irrt
Ob sy schon zu einer thörin wirt
Hoppo han das ist mein wesen
Ich kan dir nit vil federn lesen

Der Ainsidel.

- A**ch allerliebster gselle güte
Fürwar du krenckest mir den müte
Das du also verwegen bist
Waist nit das klarlich geschriben ist
Kein ander gesellschaft soll man han
Dann die frau iren eelichen man
Desgleichen auch der man sein weib
Es send zwü selen vnd ist ain leib
Lot was gar ain fromer man
Do er böß gesellschaft an sich nam
Verlor den streit vnd ward gefangen
Nachabeo ist's auch also ergangen
Josophat beschach auch desglich
Von Annon wil ich bschaiden dich
Het er mit Jonadab kein gsellschaft ghan
Het er so groß übel nit gethan
Das er sein schwester her geschwecht
Des tödten in Absolons knecht
Darumb darffst mirs nit fast bringen
Dir dörfst wol auch also gelingen
Auch mainst dich raubens stelens neren
Exodus thut dichs nit leren
Da mainst es sey der rauber sit
Got wirt dir's warlich schencken nit
Het Achan nit gnommen vom raub
Wer nit versteiniget mir warlich glaub
Das sag ich dir on allenspot
Zach. vij. c. Hör auff was dir thut sagen got
Auch allen den die yezund kriegen
Auch witwen wayßen thündt betrüben
Will sein zorn über sy lang an
Darumb ich rat du lassest daruan
Was sagt vns der vierzig jarig man

XL. Jar Stillstan



Der XL. Järig

W^ein anligen ich dir bald sag
Da synn vnd betracht ich nacht vnd tag
Nach üppigkayt als mancher thut
In hoffart vnd auch übermüt
Damit ich täglich fürher brich
Dardurch ich mich an manchem rich
Vnd gang daher recht wie ain stier
Vergleich mich ganz ain wilden thier
Zü dem sich niemandt nahen dar
Im ebruch soltu nemen war
Zier ich zü aller zeyt mein leib
Vnd bscheyß manchem biderman sein weib
Die Le thün ich krümmen vnd biegen
Mit meinem weyb hab ich kein bnügen
Allain ich sy zün eern spar

Hⁱe ver
merckh den
stand der
vierzig jäh
rigen.

Weins hauff nim ich gar wenig war
Sich auch nit an mein gütten fründ
Ob ich verderb mein Elaine kind
Rock/schawpen/mantel/henck ich in an
Vnd lasß mein frawen nackend gan

¶ Der Ainsidel.

Marci. x. b

Ain rechter laur magstu wol sein
Duligst im Kot recht wie ain schwein
Das macht dein groß vnlautekeit
Wirt dir auff's letst noch werden laide
Waist nit welche got züsamen hat gegeben
Sol niemant schaiden merck mich eben

¶ Der. xxx. järig.

ij. Reg. xi. a
iudic. xv. d

¶ Du sagst mir von der letsten zeit
Das mir nit vil züschaffen geit
Dahin mag ichs wol alles sparen
Dann wirt ainr mit dem andern faren
Nun gleich ich doch Salomon
Aristocili/Virgilio vnd Samson
Die weyfesten sterckesten gewesen sind
An weyben auch waren erblinde
Solt ich dan anderst treyben auch
So wär ich wol ain grosser gauch!
Darzu würd ich täglich berichte!
Das man sy setz in radt vnd gricht
Auch kan ich nit anderst sehen hören
Wann die es selber solten weren
Die wend sein haben grosse eer
Als ich täglichen von in hör
Das ainr nit sey ain redlich man
Welcher sein ee nit brechen kan
Du magst warlich wol fürbas gan

¶ Der Ainsidel

¶ Vier hast mir nach ainander ghand
Hand alle gelitten grosse schand

Auch solt du mercken hie mit flyß
 Durch eebriuch kam der schön Paryß
 Vmbs leben/durch die schön Helena zart
 Die stat Troy zerstörer wardt
 Vnd kam Priamus vmb sein leben
 Ach güter freünd nun merck hie eben
 Durch vnkeuschait ließ got dwel zergon
 Do dauid het aineebriuch gethon
 Ließ im verkünden durch Nachan got
 Das er in kläglichen straffen wor
 Wer Thamar nit vom eebriuch gschent
 So wär sy nit züm feür erk nt
 Dein hoffart thüst auch bschaiden mich
 Bracht Nabuchodonosor von sein rich
 Balthasar wär nit zütod erschlagen
 Fünffzigjährig was thüst du vns sagen.

Gen. vj. b.
 ij. Reg. r. a

Gen. 38. f.

daniel iij. f.
 daniel. v. g.

L. Jar wolgethan



Wie vermerck den stand des. L. jährigen

Der. L. Jährig

Das will ich dir warlichen sagen
Ich bin in meinen besten tagen
Im alter haif ich wolgethan
Ain erber wesen solt ich han
An vernufft weißhaye solt ich zünemen
Vor der welt/so müß ich mich erst schemen
Das ich das mein als hab verthon
So ich yetz bin ins alter gon
Vnd solt mich ziehen den frommen glich
So thut all welt erst hassen mich
Dazü auch han ain ersamen stand
So lauff ich erst auß alle land
Mayland/Naples/Franckenreich
Vnderstand erst wider werden reich
Kisten fegen thün ich mich nit schemen
Ain biderman das sein zünemen
Das mir als ist ain eben spil
Wolt got das ich sein nim her vil.

Der Ainsidel.

Gen. xxiij. a

j. Reg. v. b.

Freünd solchs soltu nit begeren
Die zehen gebort hünd dichs nit leren
Wan durch das böß vnfertig güte
Vergeußt manch christen man sein plüt
Vnfertig güte solt mercken recht
Straffe got biß in das neündt geschlecht
Wann sollich güte müß wider geben
Zwifach soltu mercken gar eben
Saul wär von seinem reich nit kōmen
Her er das best vom raub nit genōmen

Der. L. jährig

Ain güte sach die würdest du haben
Wen du das sagest vnsern knaben

Sy dörfren dich wol schlagen gnüg
Dann kriegen ist allain ir pflüg
Rauben/stelen/laß ich bleyben
Vnd was man yetz im krieg thüt treyben
All böse stuck fahen wir an
Her man yetz als für wol gethan
Als bald dann ain also gelinge
Das er zühauß vil kronen bringe
Man fragt nit wie ers gwunnen hab
All welt den hüt zeucht gen im ab
Vnd spricht zü im als bald gnad herz
Von im hab ich gnomen die leer
Lasß ligen was ich nit kan finden
Die armen bawren thün ich schinden
Klöster vnd kirchen ich beraub
In meiner Consciencz so bin ich taub
Christen blüt thün ich vergiessen
Vnd hoff zü lest ich werds geniessen
Witwen wayesen schetz ich gering
Auff das ich nun vil kronen bring
So bin ich mit den höchsten dran
In gericht vnd rat so müß ich gan
Vnd wird damit zogen her für
So ich sunst blib hinder der thür
Vnd hab meinr bosshayt grosse eer
Was soll ich dir nun sagen meer
Du machst mir warlich klaine freüd
Farhin du hast auch mein beschaid

C Der Ainsidel

C Dein bschaid kan ich gar wol verstan
Deinr bosshayt du auch eer wilt han
Des todschlachs du thüst berümen dich
Des soledu hie wol mercken mich
Got will die sünd vngestraft nit lan
Do dauid hat todschlag gethan

ij. Reg. v. a

C

ij. Para. 24

Was er nit würdig das er sot
Bawen ain tempel seinem got
Das Joas ließ schantlich erschlagen
Zachariam/warder nit begraben
Nach seinem tod in küniglichs grab
Ain güte leer hye von mir hab
Wann du als erdtrich hettest verbrent
Und auch des hymels zier zertrent
Darzu beraubt das Paradeys
Wär nit als böß merck auff mit fleys
Als wan du tötest ain christen man
Gen. iiij. b. Den got mit seinem blüt gewan
Dieweil kains todeschlag was so groß
Ee das Christus sein blüt vergoß
Das er in hymel rufft zu gott
Solt yeder man gedencen dran
Was sagt vns der sechzigjährig man.

LX. Jar abgan



Hie vermerck den stand der .LX. jährigen.

Der LX. Jährig

Ein man bin ich von sechzig jahren
Mein stand darff ich wol offenbaren
Mein wesen stat allain auff güte
Vnd hab kein ander freud noch müte
Wann kriegen ist mir yetzund gelegen
Nach weyben thün ich wenig streben
Weintrinken will mich nimmer leyden
In der kirchen mag ich die leng nit bleyben
Ich betrachte allain nach güte vnd eer
Frag nit wie es doch kumme här.

Der Ainsidel

Du hast warlich ain schweren stand
Dardurch verderbet wirt manch land
Timotheus spricht in diser zeit
Kvin böser wurzel sey dann gezeit
Ecclesiasticus hat dir's auch wol erzalt
Wär stelt nach eer wirt selten alt
Du verkauffst in müter leib das kind
Judas wär warlich wol dein fründ

1. timo. vj. b

Ecclesi. x. b

Mat. 26. c.

Der .LX. Jährig.

Was darffst von judas sagen mir
Wann sind all die sein freünd glaub mir
Die also güte nemen wider recht
Warlich so ist's ain groß geschlecht
Wann aygen nutz vnfertig güte
Manchem yetzundt gar woll thüt
Dazü auch ander haimlich gelt
Das man yetz nympt in aller welt
Dardurch verraten wirt land vnd leüt
Ich sich nit das man in thüt eüt
Wann sy ain klain weil mügen schweygen
Diesach haimlich vnderm hütlein treyben

C ij

Vnd lassen red für oren gan
Hand sy bald gschwaige den armen man
Vnd beleybt er dannoch bey dem bret
Dieweyl die welt also yetz lebt
Was wolt ich dann neues fahen an
Verfürht hab ich anch manchen man
Das er ist kōmen vmb leyb vnd lebers
Dardurch ich mag in reichthumb streben
Mein kind zū grossen eren bringen
Die pfaffen laß ich lesen singen
Gedenc̄t mit vast an mein arme seel
Ob sy darumb müß leiden quel
Mein seel thū ich an ain negel hencken
Hoff got werd mirs auff leyst als schenckē
Vnd mir mein seel mit gnaden zieren
Das ist das leben das ich führen

¶ Der Ainsidel

¶ Ain verflüchttes leben hast an die
Durch aygen nutz solt glauben mir
Der Rōmisch gwalt zergangen ist
Die kriechisch zung in kurzer frist
Act. xix. c. Ward auch zerstört solt nemen war
Demetrius betrübt ain grosse schar
ij. Reg. ij. g. Bracht er zūwegen durch sein güte
Semey vergoß dardurch sein blüt
iiij. Re. v. g. Durch geyst so soltu mercken rechte
Re. xxxv. b. Ward Giezt miltzig vnd als sein geschlecht
Nabal durch geyst verlor sein leib
Den doch er löst Abigail sein weib
Act. v. a. Do Ananias / Saphyras geystig warden
Als bald des gehen tods sy starben
Exo. xvij. d. Geystig ayt die rechte verkert
Darumb Jetro Moysen lere
Das er kain nem in seinen rat
Der got nit fürchte frū vnd spat

Auch nit het lieb das zeitlich güt
 Darumb so lüg hab dich in hüt
 Und laß von der gezeitigkeit ab
 Sy volge dir nach biß ins grab
 Bedenck das hie seind kurze tag
 Die man nit wider bringen mag
 Sybzig jarig was ist dein sag

LXX. Jar dein seel bewar



Der LXX. ierig

Ich kan dir warlich nit vil sagen
 Du hast dem gseyt von kurzen tagen
 Der nimich warlich wenig acht
 Hab auch nit drauf mein rechnung gmacht
 Wiewol das ich yetz hab auff mir
 Sibenzig jar das sag ich dir
 Und solt mein seel yetz thün bewaren
 So wolt ichs gern noch lenger sparen

C ij

Hie ver-
 merckh den
 stand des
 sibenzig jar-
 rigen.

... mich tructt erst der haß vnd neyd
Kain menschen ich mer vmb mich leyd
Wiewol ich bin ain alter greysß
Vnd mir das har ist gram vnd weysß
Wagich die zeytliche eer nit lan
Ich sich wie mancher mee hat gethan
Wiewol er was der jaren alt
Noch het im wol der zeytlich gwalt

Der Ainsidel.

Ro. xiiij. a

Für ain grossen thoren ich dich halt
So du nit betrachtest das aller gwalt
Vns kompt allain von oben ab
Von got der dir das leben gab
Vnd bist so gar ain grosser thar
So du bist kommen auff deine jar
Wilt stöllen erst nach grossen gwalt

Ecclesi. x. b

Vnd sichst das selten kaine wirt alt
Auch ist geschriben merck mich eben
Ains yeder gwalt ains kurzen lebent

Luc e. j. e.

Welcher auch thut erhöhen sich
Der wirt genidert von got ich sprich
Die welt soltest du yetzundt verlon
Allain beeten vnd zu kirchen gon
Vnd sehen an wie schnell der todt
Ietz manchen alten gnommen hat
Der on beicht vn büß ist galingen gestorben
Gar wol darffstu auch dran ermorgen

Der LXXX. ierig

Wann yederman daran gedecht
In gericht vnd rat man wenig brecht
Wann gunst vnd miet die gand da für
Dasselb auch bildet yetz in mir
So ich nun gelernet hab schwarz vnd weiß
Im fragen brauch ich güten fleiß

Weins gleichen wais ich über'kommen
Wein wort machen gar manchen frommen
Die alle volgen meiner sag
Wann ich dan ainen stupffen mag
So gib ich im ain nater stich
Niemandt darff reden wider mich
Darumb ich den gwalt in henden han
Vil neuwer sagung fah ich an
Damit der arm man wirt beschwört;
Den witwen wayfen bin ich hört
Sas ich nit also nach beym bret
Mancher es nit dest böser het
Schmaichlen streichen mir wol gefalt
Damit ich manchen bösen behalt
Vnd manchen frommen vndertruck
Wein güter brüder fürbaß ruck

Der Ainsidel.

Du alter greys solt wissen das
Nichts grössers ist dan neyd vnd has
Durch neyd der Teüfel kam auff erdt
Der yedes menschen seel begett
Der neyd ain böse wurzel ist
Durch neyd ward gemartert Jesu christ
Durch neyd ward Abel zütodt erschlagen
Grossen neyd thetent Palestini tragen
Darumb Isaac von got den segen erlangt
Auff neyd Achitophel sich selb erhangt
Darumb ich rat du lassest daruan
Das dir nit geschach als dem Aman
Vmb neyd den er zu Martheo hat
Durch neyd zerstört wirt manch stat
Wa neyd den burgern wonet bey
Da gar bald ab jr Polocey
Der gleichnuß wolt ich dir vil sagen
Den alten narren müß ich auch fragen

Gen. iij. a.

Mar. xv.
Gen. iij. b.
gen. xxvj. d.

ij. Re. xvij. f

Hester. 7. d

LXXXIar der welt narr.



Der LXXXierig

Hier vermerck den stand der achtzig jartigen.
Das kan ich gar kaum sagen dir
Wan ellend ist mir vor der thür
Mein altes hertz das thüt mich betriegen
Dazü thün mir mein syñ auch liegen
Die mich manen an die alten schwenc
So ich hinder vnd für mich gedenc
Was ich hab getriben mein jungen tag
Do ich allzeit der bülschafft pflag
Vnd was allzeit ain werder gast
So bin ich yetz ain überlast

Der Ainsidel
Warlich du bist ain grosser gauch
Ich merck dir thüt noch wol der rauch

Wiewol du bist ain vnwerdt gast
Vnd schindtmesser im arfloch hast
Der alt nar

E Schindtmesser hin schindtmesser het
Nübsche frewlein seind mir nit vnmer
Wiewol ich zwifach einher gang
Vnd mir auch ist der atem lang
Arachen mir die bain vñ treufft mir dnas
Mir gedencket wol das es besser was
Wuß erst am stecken lernen gon
Das ist mir warlich vngewon
Im leib bin ich auch nit gesund
In der kirchen bill ich wie ain hund
Der Teüfel hats alter erdacht
Das mich hat also ellend gemacht
Vnd mir außgefallen ist mein hoz
Vorzeit trüg ich den kopff embor
Dasselb ich yezund faren lan
Ich gang sitz oder wo ich stan
Wuß ich dannocht die freülein grüssen
O got möcht ich mein sünd so büssen
Fürwar ich würd am sällig man
Was ich in der jugent triben han
Dasselb noch in mir rögen thüt
Darzu wär mir das hertz noch güte
Het sunst der hagel nit drein gschlagen
Du magst gar wol ain andern fragen

Der Ainsidel

E Freülich du bist ain alter thoz
Vnd hast auff dir yetz achtzig ior
Vnd wilt erst sein der metzen knecht
O got wie ist dein synn als schlecht
Der dich hat also gar verkert
Paulus hat dichs warlich nit gleret
Spricht schamhafft/messig sond sy sein

ad. titū. ij. a

D

ad ricū. iiii. c
ij. Tim. ij. d

Dan. xij. c

Spürt man nit an den worten dein
All thorecht redcht er dir weren
Der jungenschwenck solt auch nit begeren
Die du in der jugent hast getriben
Du müst sunst dort groß peim drumbliden
Oder dir gschech als den alten man
Die Susannam wolten betrogen han
Darumb ich rat fôr dich zû gott
Was seyt vns dann der kinder spott.

XC. iar der kinder spot



Der CX. Jerig

Wie ver-
merckh den
krannd der
neinzig jar
gen.

Gar wol bin ich geplagt von gott
Das ich erst bin der kinder spott
So ich bin kommen anff neinzig jar
Halt mich die weterst für ain thoz

Ist mir warlich ain grosse klag
Wann ich bedencē mein jungen tag
In den ich mit freuden rang vnd sprang
Auch allzeit frölich was vnd sang
Ans alter ich gar wenig gedacht
Von mir ward es gantzlich veracht
Das ichs mocht weder sehen hören
Was mich mein alteren theten leren
Was mir als sandt ain bitter tranck
Zeit weil was mir bey inen langk
Auch waren mir vater vnd müter mein
Ain schwere bürd vnd grosse pein
Wir gefiel nit wol jr waiß vnd perd
Ich gedacht allain lägens im herd
Allzeit trib ich auß in mein spot
Dasselb mich yetz auch troffen hot
Was ich mein tag ye hab gehast
Hat mich yetz gantz vnd gar umbfast

Der Ainsidel

Thettest du vatter vnd müter geest
So war es dir yetz auch beschert
Wie in hast gemessen solt glauben mit
Deßgleich dein kind auch messen dir;

Luce. vi. f.

Der XC. Jering

Dasselb ich warlich wol empfund
Wich hast yetz all mein haußgesind
Knecht/mägt/die kinder auch
Allain bin ich jr alter gauch
Ain bin ich taub dem andern blind
Pfeü dich alter du schnöder wind
Wie magst so manchen starcken man
Das er muß an zwü krücken gan
Warlich du bist ain böser gast
All diser welt ain überlast

Wiewol dein yederman begert
 Noch wann du kumpst so bist vnwerd
 Vnd bist so ganz veracht ich sprich
 Es möchten saichen dhund an dich
 Das ich hab gar wol innen worden
 O got wer ich vor lengst gestorben
 Dörfft ich nit solchen kummer han
 Vnd aller welt züm spot hye gan


C Der Ainsidel.

Act. xiiij. d.

job. per. to.
 Tobie. x. et
 xi. a.

C Den tod jm niemands wünschen sol
 On anfechtüg krankhait merck mich wol
 Wag niemands gan ins ewig reich
 Job vnd Tobiam nym für dich
 So bstast du wol gen got glaub mir
 Hundertjäriger dein stand sag mir.

C. iar nun gnad dir got



Der. C. Jergic

Ain ellend wesen warlich ich hab
Mein k rpel begert nun in das grab
Kain freud ich mer auff erden hon
Ach got het ichs nun  berkom
Dann ich der welt gantz nicht mer sol
Ain k iles erdrich thet mir wol
Het ich mein arme seel bewart
So grauste mir nit ab diser fart
Mich hilfft yetzt weder reichumb g t
Auch das ich bin von edlem bl t
Darzu auch alle meine fre nd
F r ainen meiten mir n tz seind
Erst rewen mich mein jungen tag
Die ich nit widerbringen mag
Wann ich hab gelebt wol hundert jar
Auff diser erdt sag ich f r war
Und hab noch nye betracht das ende
Des bin ich yetzt so gar ellend
Von aller diser welt verlan
Mein bosheit sich ich vor mir stan
Die ich getriben hab mein tag
Darumb ich f r ain grosse klag

Der Ainsidel.

D g ter fre nd du thaurest mich
So ich h r also klagen dich
Mich wundert was dich betrogen hat
So du waist das klarlich gschriben stat
Kain bleiblich stat ist hie auff erdt
Als vns erklet Paulus der werdt
Und wir es t glich auch wol sehen
Ecclesiasticus der th t auch jehen
Ain yedes flaisch solt mercken mich
Wirt alten dorren dem hew gleich
Bringst auch auff lest nicht mee darvon
Dann g te werck die du hast gethon //

Heb. xiiij. c.

eccle. xiiij. c.

Apo. xiiij. c.

Glaube gefangen an D iij

Der. C. Jährig.

Du got das selb ich gar wol sich
 Mein sünd die thünd erst rewen mich
 Die ich mein tag ye begangen hon
 So ich yetz gern wolt biß drum thon
 Darüber haben rew vnd laide
 Hat mir mein hertz/zung/mund versait
 Das schafft das ich nit reden kan
 Im hertzen auch kain rew mag han
 Mein füß wend mich auch numme tragen
 Mein jamer kan ich niemandt klagen
 All reichrumb/eer/gwalt/hat mir gefelt
 Pfeü dich du schnöde böse welt
 Du hast mich glan auff gutem wan
 Des ich in grossen nöten stan
 Vnd allzeit gottes vrtail wart
 Hilff mir Maria juncckfraw zart

Der Ainsidel

Du fürst warlich ain grosse klag
 Herst duß betracht dein jungen tag
 Vnd herst got allzeit gefolget noch
 So gschech dir gleich wie dem Enoch
 Isaac/Helyas/Abraham
 Kain böses leben selten nam
 Ain gütes end solt mercken mich
 Darumb bit ich die all gleich
 Die dyses spil lesen vnd hören
 Das sy es nit wollen verközen
 Vnd lassen es in seinem stadt
 Ir sehen wol wie es yetz gadt
 Ob ich vil hab darinn gelogen
 Oder ob mich Paulus hab betrogen
 Als ich im anfang hab erkleret
 Wiewol Lucas mirs auch bewert
 Vnd spricht solt mercken hie gar schon

Gen. v. c.
 gen. xxv. a
 iij. Re. ij. b.
 ge. xxxv. d.
 Augustins

j. tim. iij. a
 Luce. xxi. c.

Ain volck gem andern wirt auff ston
Auch ain reich wider das ander streben
Vil reünung/hunger/wirt got geben
Erdbidumb/krieg/werden wir hon
Vil zaichen sehen in Sun vnd Mon;
Als dan erscheint zu diser frist
Was trübsal yetz auff erden ist
Vnder fürsten/herzen arm vnd reich
Der gaislich stand desselben gleich
Hat sich auch gantz vnd gar verkört
Kain gütz auff erden man yetz hört
Als schnöd vnd böß ist yetz die welt,
Allain jr sach stat nun auff gelt
Der vns dasselbig brechte här
Warlicher vns got wilkommen wär
Er sey/bapst/kayser/künig frey
Dem selben wir dann stünden bey,
Sehen die gerechtigkeit nit an
Darumb es müß so übel gan
Das ich warlichen sprechen mag
Es nahe sich dem jüngsten tag
Des ich eüch yetz unde all erman
Land eüch dasselb zu hertzen gan.
Vnd macht eüch den von Ninive glich
So wirt got über vns erbarmen sich
Auch all trüsal von vns hyn nemen
Glück vnd hail täglichen geben.


Done . iij. c.


¶ Gedruet zu Augspurg am
Weinmarckt. M. D. vnd xvij.

The text on this page is extremely faint and appears to be bleed-through from the reverse side of the leaf. It consists of approximately 20 lines of text in a Gothic script, which is difficult to decipher due to the low contrast and fading.

Trunc. 110

The text at the bottom of the page is also faint and appears to be bleed-through or a signature. It is partially obscured and difficult to read.





L. Rospittel

27. Okt 1921

Goedeke, Pampotrikins Sengenbars 1856

8. 443 C.

Urb. 3. Augsburg 1578

Goed. Grundriss 8. 197, No 17 C.

Panzer, Schriftsamml. 1. No 921.

Wissl. Kurz.

„ Heise (2124, 2125 and 2126)

„ Madzafu, Knecke, Jaefon, Roffenburg.

Weller 1578 and 1112, 1113

